

Oqaluuserisassanut nassuiaat.

(Inatsisartut Siulittaasoqarfiat)

Sanaartornermut Ataatsimiititaliaq qinnuteqarpoq

imm. 82-p:

Inuit inissianik pisortat najugaqarfiutaani attartortuusut kisiannili inigisaminnit anisitaasimasut, allamik sarfalersukkamik, imermut aqquteqartumik aammalu kiassarneqartumik inissaqartinneqartarnissaat taamatullu ilaqutariit meerartallit minnerpaamik iganissamut kissartuliornissamullu periarfissaqartinneqartar-nissaat pillugu inatsisitigut illersugaalernissaat siunertaralugu, UPA 14-mut malittarisassiornissamik Naalakkersuisut peqquneqarnissaannik Inatsisartut aalajangiiffigisassaattut siunnersuutip aappassaaneerneqarnissaata kinguar-tinneqarnissaanik. Immikkoortoq pineqartoq novembarip tallimaani aappas- saaneerneqartussaagalarpoq.

Immikkoortoq siunnersuutigineqarpoq ullormi ataatsimiiffimmi kingullermi aappassaaneerneqassasoq.

Siunnersuuteqartoq Sara Olsvig, Inuit Ataqatigiit qinnuteqarpoq

imm. 81-p:

Inuit Kalaallit Nunaanniit nuuttartut amerliartuinnartut, ilaat pissutissa-qangaanngitsumik periaartumillu nuuttut eqqarsaatigalugit, pingaartumilli Kalaallit Nunaanniit Danmarkimut inuttut atukkat pissutigalugit nuuttut aallaavigalugit immikkut iliuuseqarnissamik alloriarqassanersoq pillugu oqallittoqarnissaanik siunnersuutip kinguartinneqarnissaanik. Immikkoortoq pineqartoq ulloq 21. november oqaluuserineqartussaagalarpoq.

Immikkoortoq siunnersuutigineqarpoq ullormi ataatsimiiffimmi kingullermi oqaluuserineqassasoq.

aamma

imm. 83-p:

Dansk Institut for Internationale Studier, DIIS, pillugu inatsisip Kalaallit Nunaannut atortuulersinneqarnissaanut Naalakkersuisut peq-quneqarnissaannut Inatsisartut aalajangiiffigisassaattut siunnersuut, tassa imaalisinnaanngorlugu Inatsisartut Naalakkersuisullu DIIS-miit nalunaarutinik nassuiaatinillu piniarsinnaanngorlugit, Inatsisartut Naalakkersuisullu DIIS-imik atuisinnaanerit annertusarlugu

kiisalu

imm. 91-p:

Alta-mi inaarutaasumik isumaqatigiissutip (The Alta Document) taassumalu nassatarisaanik pingaarnertut kaammattuutigineqartut 4-it, nunat tamalaat akornanni nittarsaanneqarnissaanut, kiisalu Naalagaaffiit Peqatigiit nunat inuui pillugit 2014-imi nunarsuaq tamakkerlugu ataatsimeersuartitsinissaanut inaarutaasumik isumaqatigiissutip Naalagaaffiit Peqatigiit 69-issaa Ataatsi-meersuarneranni pisortatigoortumik allagaatigilissagaat pillugu Naalakkersuisut suliaqaqqullugit Inatsisartut aalajangiiffigisassaattut siunnersuutip aappassaaneerneqarnissaasa kingartinneqarnissaannik.

Imm. 83 ulloq 19. november aappassaaneerneqartussaagalarpoq **immik-koortorlu 91** ulloq 21. november.

Immikkoortut siunnersuutigineqarput ullormi ataatsimiiffimmi kingullermi aappassaaneerneqassasut.

Ullumi ataatsimiinnermi Inatsisartunut ilaasortat:

Andreas Uldum, Demokraatit aamma Per Berthelsen, Siumut taasisarnerit pillugit isumaqatigiissuteqarput.

Eqqaamasassat – Siusinnerusukkut nalunaarutigeriikat:

Kim Kielsen, Siumut aamma Kuupik Kleist, Inuit Ataqatigiit.